

Los nanomateriales, una revolución teunolóxica y un retu pa la cristalografía


Por Santiago García-Granda
Departamento de Química Física y Analítica
Universidá d'Uviéu
CINN-CSIC

Nes últimes dos décadas, los nanomateriales vienen siendo un campu de muchu interés tanto dende'l punto de vista científicu como del económico. Estos materiales, que tienen como carauterística común el tamañu de los sos componentes, desaxeradamente pequeñu, afiten un grandísimo potencial p'aplicaciones industrielles, biomédiques y electróniques. Como resultáu de la meyora nes teunoloxíes pa observar y manexar estos materiales, nel campu de los nanomateriales vese un importante aumentu nel sofitu de la investigación, el desendolque y l'anovación, tanto per parte de les empreses privaes como nes estratexes gubernamentales, lo que ta permitiendo que los investigadores académicos dientro d'esti campu tean formando abondes asociaciones y grupos de trabayu.

Instalaciones de nanomateriales.

Semeya: Brookhaven National Laboratory (licencia Creative Commons)





Les propiedaes y aplicaciones paecen descomanaes, dende dispositivos electrónicos perpequeños, con bateríes en miniatura, pa usos biomédicos a películes pa embalaxes, superabsorbentes, componentes de blindaxes y partes d'automóviles

Los nanomateriales pueden ser de constitución pervariada, metálicas, cerámicas, materiales poliméricos o materiales compuestos. La so carauterística definitoria ye'l tamañu de les sos unidaes básiques, nel rangu de los 1-100 nanómetros (nm). La unidá de nanómetru, y más en concreto'l so prefixu nano, 'nanu', vien de la pallabra griega del mesmu nome que quier dicir perpequeñu. Un nanómetru abarca ente 3 y 5 átomos alliniaos. En comparanza, el diámetru d'un pelu humanu ye unos 5 órdenes de magnitú mayor qu'una partícula na nanoescala (Fig. 1). Los nanomateriales nun son cencielamente otru pasu na miniaturización, sinón un escenariu dafechamente distintu; el nanomundu atópase a metá del camín ente la escala atómica, que ta rexida polos fenómenos cuánticos, y la escala de los materiales macroscópicos comunes, que se componen siguiendo les lleis de la mecánica clásica o Newtoniana. Nesti nivel de los nanomateriales algunes propiedaes de los materiales vense afeutaes poles lleis de la física atómica, en cuenta de comportase como materiales tradicionales.

Magar que l'interés polos nanomateriales ye recién, el conceutu plantegóse hai más de 50 años. El físicu Richard Feynman, nel 1959 dio una charra titulada «Hai munchu espaciu na parte inferior», na que comentó que nun hai razones físiques fundamentales poles que los materiales nun puedan fabricase pola xuntura d'átomos individuales. Los nanomateriales vienen produciéndose y emplegándose polos

humanos a lo llargo de cientos d'años. El guapu color coloráu rubín de dalgunos vidros ye pola mor de les nanopartículas d'oru atrapaes na matriz del vidru. L'esmalte decorativo, atopao en dalgunas cerámicas medievales, contién nanopartículas metálicas esféricas espardíes d'una forma complexa nel esmalte, lo que fai que tengan unes propiedades ópticas especiales. Les téuniques utilizaes pa producir estos materiales consideráronse secretos naquellos tiempos y tovía güei nun s'entienden al completu (Fig. 2).

El desendolque de la nanotecnología ta siendo impulsáu pol refinamiento de les ferramientes pa ver el nanomundi, como por exemplu, polos sistemes más sofisticados de microscopía electrónica y la microscopía d'efeutu túnel. Nel 1990, científicos d'IBM llograron asitiar átomos de xenón individuales nuna superficie de níquel pa solletriar el logotipu de la empresa, per aciu l'análisis por microscopía d'efeutu túnel, amostrando con ello la descomanada teunología que taben desendolcando (Fig. 3). A mediaos de la década de los ochenta, descubrióse una clas-



nueva de material, les esferes güeques de carbonu.

Estes esferes nomáronse *buckyballs* o *fullerenos*, n'honor al arquitecto y futurista **Buckminster Fuller**, que diseñó una cúpula xeodésica con xeometría asemeyada a la que s'alcuentra nel nivel molecular nos fullerenos. El buckyball C₆₀ (60 átomos de carbonu químicamente enllazaos xuntos nuna molécula con forma de bola) foi la fonte d'inspiración para la investigación que dio llugar a la fabricación de nanofibras de carbonu, con diámetros menores de 100 nm. Nel 1991, Sumio Lijima del NEC en Xapón comunicó la primer obser-

PÁGINA ANTERIOR


Figura 1. Exemplos que dan una idea de lo que ye un nanómetru (nm). Los nanomateriales puen ser d'estremada constitución: metálicas, cerámica, materiales poliméricos o compuestos.

IZQUIERDA

Figura 2. La copa de Lucius (British Museum), clásicu exemplu del efeutu de les nanopartículas.

ABAJO

Figura 3. Lletreru fechu con nanoténiques y vista con microscopiu d'efeutu túnel.



vación de nanotubos^[1] de carbono, qu'anguaño producen munches compañías en cantidaes comerciales. El mercáu mundial de nanocomuestos (ún de los muchos tipos de nanomateriales) creció a millones de euros nel 1999 y tovía crez con rapidez.

La variedá de nanomateriales ye abonda, y la so gama de propiedaes y aplicaciones paecen descomanaes, dende dispositivos electrónicos perpequeños, con bateríes en miniatura, pa usos biomédicos a películes pa embalaxes, superabsorbentes, componentes de blindaxes y partes d'automóviles. **General Motors** diz tener el primer mediu pa utilizar los nanomateriales p'aplicaciones automotores esteriores, nos estribos de les sos camionetes de tamañu medianu. Los editores de la revista Science resaltaron un trabayu sobre circuitos electrónicos de tamañu molecular como'l desendolque científicu más importante nel 2001^[2]. Ye claro que los investigadores tamos tovía nel entamu de la comprensión y el desendolque, y qu'inda queda por facer una gran cantidá de trabayu básicu.

¿QUÉ FAI QU'ESTOS NANOMATERIALES SEYAN TAN DIFERENTES YA INTRIGANTES?

El so carauterísticu tamañu terriblemente pequeñu que ye de la mesma escala que'l tamañu críticu de los fenómenos físicos. Por exemplu, el radio de la punta d'una fienda nun material pue tar nel rangu de 1 a 100 nm. La forma na qu'un defeutu crez nuna escala mayor, material masivo, suel ser diferente del espardíu d'un efeutu nun nanomaterial onde l'efeutu y les partícules son de tamaños comparables. Los procesos electrónicos, magnéticos, ópticos, químicos y biolóxicos fundamentales son tamién diferentes nesti nivel. Un exemplu d'esto, pueen ser les

proteínes que tienen un tamañu de 10-1000 nm y unes paredes celulares 1-100 nm de grosor, el so comportamientu frente a los nanomateriales pue ser fondamente diferente frente a la rellación colos materiales d'una escala mayor. Les nanocápsules y los nanodispositivos puen presentar nuevas posibilidaes pa empobinar y aplicar en sitios específicos medicamentos, la terapia xenética y el diagnosticu médica.

Tamién son importantes pa esplicar el comportamientu de los nanomateriales les superficies y los interfaces. Nos materiales masivos, solo un porcentaxe relativamente baxu d'átomos será parte o tará cerca d'una superficie o un in-

terfaz (como un llímite de granu de cristal). Nos nanomateriales, el tamañu pequeñu de función asegura que muchos átomos, probablemente la metá o más dalgunes vegaes, tarán cerca de los interfaces.

Pongamos atención a un pequeñu grupu de los nanomateriales, los nanocomuestos basaos en materiales poliméricos. Hai delles variedaes de nanocomuestos poliméricos, pero los más avanzaos son los qu'arreyen la dispersión de pequeñes cantidaes de nanopartícules na matriz del polímeru. Tiense demostraos que nos materiales más humildes, como son los barros, puen amosar propiedaes sorprendentes. Por exemplu, amestar cantidaes tan pequeñes como un 2%




Figura 4

por volume de silicatu de nanopartícules a una resina de poliamida aumenta la resistencia nun 100%. Hai tenese en cuenta, por supuestu, que'l 2% nel volume de partícules perpequeñas ye un número mui importante de partícules que se refuercen. L'adición de nanopartícules nun solo meyora les propiedaes mecániques, sinón que tamién demuestra que meyora la estabilidá térmica, en delles vegaes, l'usu de polímeros-matriz nanocomuestos, da una resistencia térmica adicional de 100 graos centígrados perriba de les condiciones normales de serviciu. Tamién se tien estudiaos la disminución de la inflamabilidad del material, una propiedá importante sobre ma-

Delles vegaes, l'usu de polímeros-matriz nanocomuestos, da una resistencia térmica adicional de 100 graos centígrados perriba de les condiciones normales de serviciu




Figura 5

Los nanotubos de carbono tienen demostradas propiedades únicas, rixidez y fuerza mayor que la de cualquier otro material, por ejemplo, al igual que propiedades electrónicas extraordinarias

nera p'aplicaciones de tresporte onde la escoyeta del material ta influenciada poles moliciones de segurana. Los nanocomuestos barru/polímeru consideráronse como matriz de materiales pa compuestos basaos en fibres destinaos a componentes aeroespaciales. Los componentes d'aeronaves y naves espaciales precisen materiales llixeros con alta resistencia y rixidez, ente otros cualidaes. Los nanocomuestos, colla so resistencia térmica superior, tamién son apetecibles p'aplicaciones tales como la electrónica. Tamién s'esaminaron les propiedaes llétriques de los nanocomuestos, col oxetu de desendolcar nuevos materiales conductores. Los nanocomuestos basaos en polímeros tamién tan siendo usaos pa revestimientos anticorrosivos en metales y sensores de película delgada. Igualmente tán estudiándose otros propiedaes óptiques y la so fotoluminiscencia.

Anque dalgunos nanomateriales precisen enfoques más exóticos de síntesis y procesu, muchos nanocomuestos de polímeru-matriz pueden preparase de manera cenciella. Nanocomuestos de barru/polímeru ficiéronse sometiendo al barru como montmorillonita a intercambiu iónico o otru tratamiento previu, y darréu, mesturando les partícules col polímeru fundíu. Hai tamién otru número importante de


procesos como los reactivos de polimeración in situ. La fracción de baxu volume de partícules de refuerzu, admite l'usu de métodos de procesáu bien establecios y entendíos, como la extrusión y el moldéu por inyección. La facilidá de procesu y conformáu pue ser una esplicación pa la rápida aplicación d'estos materiales na industria. Les empresas automotores, en particular, tan adoptando rápidamente nanocomuestos n'aplicaciones de gran escala, incluyendo piezas estructurales de los vehículos. La investigación enerxética más habitual refierse a los nanotubos de carbono. Les nanopartícules de carbonu –varielles, fibres, tubos con paredes únicas o dobles paredes, abiertas o d'estremos zarraos y formes reutes o espirales– vienen sintetizándose dende va 20 años. Hai bones razones pa dedicaros tanto esfuerzu: los nanotubos de carbono tienen demostradas propiedades únicas, rixidez y fuerza mayor que la de cualquier otro material, por ejemplo, al igual que propiedaes electrónicas extraordinarias. Los nanotubos de carbonu son térmicamente estables nel vacío hasta los 2.800 graos centígrados, con una capacidá pa tresportar una corriente llétrico mil veces mejor que lo de los cables de cobre, y tienen dos veces la conductividá térmica del diamante (que ye tamién una forma de carbono). Los nanotubos de

carbonu utilízense como refuerzu de partícules en nanocomuestos, pero tamién tienen munches otres aplicaciones potenciales. Podrían ser la base pa una nueva era de dispositivos electrónicos más pequeños y más poderosos que cualquiera de los imaxinaos nel pasáu. Por exemplu, los nanocomputadores basaos en nanotubos de carbono. Nun ye entós tan sorprendente que los Gobiernos, les empreses y los investigadores de la Universidá tean xuntando fuerces o compitiendo pa sintetizar, investigar, producir y aplicar estos nanomateriales increíbles.

NANOMATERIALES BASAOS NEL CARBONU: NANOTUBOS Y GRAFENOS

Magar que ye claro que los diamantes permanecerán, nun hai duda que los sos primos, más nuevos y diminutos, de la mesma familia de los compuestos de carbono, los nanotubos de carbono y los grafenos, van roba-yos gran parte del so rellumu. Los nanoteunólogos enloquecen con estos pequeños materiales pola mor de les sos estraordinaries propiedades llétricas, ópticas y mecániques, que los faen únicos y qu'allumen la imaxinación científica.

Figura 6



Un nanotubu de carbono ye un tubu fechu completamente de carbono con un diámetru cercanu a un nanometru ($1/1.000.000.000$ parte d'un metru). Ye perdíxil imaxinar daqué tan pequeño, pero podemos facer una comparanza pa tener una idea, si viéramos ún d'esos nanotubos al tamañu d'un pelu, la nuesa cabeza tendría'l tamañu d'una montaña. El nanotubu de carbono ye un arrollamientu tubular d'átomos de carbono enllaizaos formando una rede que recuerda una rede alambrada o la cera d'un caxellu d'abeyes (Fig. 4).

Estos nanotubos son enforma pequeños pa observalos nun microscopiu ópticu, pero puen vese al traviés d'otros dispositivos con mayor resolución. Un d'ellos ye'l microscopiu d'efeutu túnel (STM), onde puen observase los átomos individualmente. Col microscopiu de fuerza atómico (AFM) podemos ver el tamañu y la disposición espacial de los nanotubos.

La téunica AFM p'atopar los nanotubos ye igual qu'usar el tactu en cuenta de la vista pa reconocer un oxetu. Una aguya perfina inxertada nel dispositivu navegador en forma de voladizu (asemeyáu a l'aguya d'un discu de vinilu) desplázase pela superficie de la muestra. Siempre que l'aguya atopa una elevación, la plataforma desplázase dafechu. Esti movimientu mídese con un láser. Con esta ferramenta pue observase fácilmente cuántos nanotubos coneuten un par d'electrodos y los sos diámetros (Fig. 5-6).

El grafenu ta fechu tamién con átomos de carbono enllaizaos formando una rede de tipu

alambráu o caxellu, igual que nos nanotubos de carbonu. Ensin embargo, el grafenu tien forma de llámina plana col espesor del tamañu d'un solu átomu (3.4 angstrom o 1/3.000.000.000 metros). El grafenu presenta na naturaleza como constituyente del grafitu (que por exemplo usamos nos llapiceros) que ta formáu por un inmensu número de llámines superpuestes. De recién los científicos foron a estremar, per primer vegada, una d'estes llámines de grafenu d'un bloque de grafitu.

A diferencia de los nanotubos de carbonu, les llámines de grafenu pueen observase nel microscopiu ópticu, gracias a la so mayor superficie. Escoyendo con procura la superficie sobre la que llantamos les llámines de grafenu y

muchu calor, una fonte de carbón (metanu, por exemplu) y partículess de catalizador (xeneralmente fierro o níquel) qu'actúen como semiente de la que medren los nanotubos. Un de los métodos más utilizaos ye la deposición química na fase vapor (CVD). A partir d'un molde de siliciu, llántense partículess catalítiques de fierro nos sitios onde queremos que crezan los nanotubos. De secute, faise circular un fluxu de gas con un conteníu de carbonu altu, como'l metanu, dientro d'un fornu a una temperatura peraltru. Los átomos de carbonu enlláncense a les partículess del catalizador surdiendo un nanotubo. Faciendo conexones llétriques ente los nanotubos podemos determinar les propiedaes conductores de los nanotubos, siendo a estre-

Asitiar les llámines de grafenu enriba d'una superficie ye tan fácil como escribir con un llapiceru. La fabricación de nanotubos de carbonu nun ye tan cenciella

usando un bon microscopiu, podemos ver realmente les llámines individuales.

Asitiar les llámines de grafenu sobre una superficie ye un procesu tan fácil como escribir con un llapiceru. Partimos d'un cachu de grafitu ultrapuro qu'apiegamos nel estremu d'un paliyu. Frotando lixeramente'l paliyu sobre cualquier superficie na que queremos poner les llámines de grafenu, les llámines individuales de grafenu xébrense del trozu de grafitu y apiéguense de forma aleatoria a la superficie.

La fabricación de nanotubos de carbonu nun ye tan cenciella como arrollar llámines de grafenu. Nun tenemos ferramientes tan pequeñes que nos permitan facer esta operación. Alternativamente, tenemos que facelos medrar como si fora una planta. Pa formalos necesitamos,

mar los metálicos de los semiconductores.

Tanto los nanotubos de carbonu como los grafenos tienen abondes aplicaciones. Los físicos aprovechen les sos propiedaes como materiales monodimensionales y bidimensionales respetivamente, pa observar les propiedaes de los electrones confinaos nuna y dos dimensiones. Na bioloxía son interesantes como sondes coles qu'esplorar los sistemas biológicos. Entrambos dos pueden comportase como metales o semiconductores y les sos propiedades llétricas son iguales o superiores a los mejores metales o semiconductores conocíos. Por esa razón son perinteresantes na ingeniería pa fabricar transistores de tamañu mui reducíu. Na ciencia de materiales amestúrense con materiales tradicionales, creando materiales híbridos, con propiedaes

mecániques de los nanotubos y grafenos son extraordinaries, alcontrándose ente los materiales más resistentes de los conocíos. Ye posible tensionar extraordinariamente un d'estos materiales ensin que llegue a francir, por exemplu, podrían facese cuerdes de violín estremadamente fines ya invisibles con nanotubos (*Nature*, 431, 284 (2004)). Una superficie de grafenu dexaría construir un tambor, que se tocaría con un láser (*Science* 315, 490(2007)). Membranes de grafenu, col gordor d'un átomu, podrían usase como separadores de diferentes ambientes.

El problema de la manipulación d'estos materiales ye asemeyáu al problema d'escoyer y garrar un granu d'arena nuna sablera usando




Figura 7

reforzaes de durez o conductores, calteniendo al empar les sos propiedades de maleabilidad.

Inclusive n'astrofísica, los nanotubos podríen ser afayadizos pa construir un ascensor espacial, pa coneutar la tierra con estaciones espaciales orbitales.

Les llinies actuales de trabayu en nanotubos, incluyen les investigaciones de les propiedaes llétricas y del so comportamientu so la influencia de campos manéticos (*Nature* 428, 536(2004)) o cómo s'espaden los electrones nel interior d'estos sistemas (*Nature Physics* 2, 687(2006)). Investíguense tamién usando sondes nanométriques les propiedaes de les dobles capes de les membranes lipídiques (*Nature Nanotechnology*, 2, 185(2007)). Les propiedaes mecaniques de los nanotubos y grafenos son extraordinaries, alcontrándose ente los materiales más resistentes de los conocíos. Ye posible tensionar extraordinariamente un d'estos materiales ensin que llegue a francir, por exemplu, podrían facese cuerdes de violín estremadamente fines ya invisibles con nanotubos (*Nature*, 431, 284 (2004)). Una superficie de grafenu dexaría construir un tambor, que se tocaría con un láser (*Science* 315, 490(2007)). Membranes de grafenu, col gordor d'un átomu, podrían usase como separadores de diferentes ambientes.

El problema de la manipulación d'estos materiales ye asemeyáu al problema d'escoyer y garrar un granu d'arena nuna sablera usando

unos paliyos. Esti nun ye un gran problema pa los esperimentos científicos porque podemos escoyer y aislar el sistema que vamos a estudiar. Sicasí, ye un gran problema pa la industria darréu que ye preciso controlar la disposición de millones de nanotubos idénticos, allinaos d'una forma determinada o disponer d'una fueya de grafenu uniforme d'un área amplia. Anguaño pue asitiase nanotubos nes posiciones deseaes con precisión (*J. Hone, Nanoletters*, 2005, 5(7)) o ordenar nanotubos pol so diámetru y tipu electrónicu (*M.C. Hersam, Nature Nanotech.*, 1 (2006)). Con grafenu ye posible metrar llámines uniformes sobre la superficie d'un chip de siliciu, que pue ser dempués recortáu de cualquier forma (*C. Berger et al. Science* 312, 1191 (2006)).

DIFRACCIÓN NA ESCALA NANOESCALA Y NANOCRISTALOGRAFÍA

B. D. Fahlman describió un nanocrystal como cualquier nanomaterial con, pelo menos, una dimensión inferior o igual a 100nm y monocrystalino^[3]. Más concretamente, cualquier material con una dimensión de menos d'un micrometró, ello ye, 1000 nanómetros, tien que se denominar como nanopartícula, non como nanocrystal. Por exemplu, cualquier partícula qu'amuesa rexones de cristalinidá tien que se nomar nanopartícula o nanoclúster dependiendo de la so dimensionalidá. Estos materiales son d'un importante interés teunolóxicu, yá que munches de les sos

propiedaes llétriques y termodinámiques amuesen una gran dependencia del tamañu y, polo tanto, pueden controlase a traviés de los procesos de fabricación. Los nanocristales tamién son d'interés, porque abordes vegaes proporcionen sistemas cristalinos de dominiu único que pueden estudiase pa llograr información qu'ayude a esplicar el comportamiento de muestres macroscópiques de materiales similares, ensin la presencia d'entueyos coles llendes de granu y otros defectos. Los nanocristales semiconductores nel rangu de tamañu sub-10nm denómense frecuentemente puntos cuánticos. Los nanocristales de zeolites sirven como un filtro pa convertir el crudu en combustibles diésel nuna refinaría de petroleu, siendo esti un métodu munchu más baratu que la forma convencional de refinar.

Una capa de nanocristales emplégase nun nuevu tipu de panel solar nomau SolrPly. Ye más baratu qu'otros paneles

solares, más flexible y asegura'l 12% d'eficiencia (Los paneles solares orgánicos convencionales más baratos convierten el 9% de la enerxía solar en lletricidá). Los tetrápodos cristalinos de 40 nanómetros convierten fotones en lletricidá, pero solo tienen el 3% d'eficiencia. El términu nanocristal ye una marca rexistrada d'Elan Pharma Internacional Limited (Irlanda) utilizada nel contestu del procesu de molienda propiedá d'Elan y les sos formulaciones nanoparticulaes de medicamentos.

La revista científica *Nature*, nel entamu del 2011, describe un nuevu métodu desendolcáu pa determinar estructures de biomoléculas basáu na difracción de nanocristales de proteínes que son tan pequeños que nun son tovía visibles

nel microscopiu^[4,5]. Una boquina pequeña de nebulizaos xenera una corriente constante dafechamente hidratao de nanocristales, entrambos suministraos por un equipu d'investigación interdisciplinar de la Universidá Estatal d'Arizona (**Fig. 7**). Esto permitió a un equipu internacional de cerca de 90 investigadores recoyer más de 3 millones de patrones de difracción «instantáneos» perclaros xusto enantes de que los cristales explotaren nun pulsu ultracurtiu, de femtosegundos y desaxeradamente fuerte de rayos X, que son tan intensos que puen vaporiar cualquier material sólido presente nel área allumada. Los esperimentos amosaron el gran potencial del láser d'electrones libres de rayos X, XFEL – la fonte de lluz coherente de Linac (Acelerador Llinial) asitiáu nel llaboratoriu del Departamentu d'Enerxía del acelerador nacional SLAC (Stanford Synchrotron Radiation Lightsource) – pa nuevos descubrimientos en biología y medicina.

Ye un fiensu conocíu que la resolución de les semeyes grabaes polos biólogos ta llimitada polos daños de la radiación utilizao, ensin embargu, ¿qué asocede si pa recoyer les semeyes s'utiliza un pulsu de radiación qu'acaba primero qu'entame'l dañu, contién tovía suficientes fotones pa xenerar un patrón de dispersión útil?

Muchos na comunidá científica son escépticos sobre la viabilidá d'esti métodu. Sicasí, la teoría y los esperimentos últimos usando rayos X blandios indiquen qu'esti fechu podría proporcionar una ruta útil pa semeyes dafechamente libres de daños. Desendolcóse apocayá'l láser de rayos X duros XFEL (una fonte lluminosa coherente de Linac).

Pa los esperimentos de nanocristalografía,

que se desendolcaron n'avientu de 2009 nel SLAC en California, emplegáronse nanocristales de fotosistema I, una proteína de membrana tan complexa que consta de más de 100.000 átomos y qu'actúa como un convertidor d'enerxía de biosolar nel procesu de fotosíntesis del oxígenu. Los cristales de proteína, como ye bien sabío, contienen una gran cantidá de líquidu y son desaxeradamente débiles, como un trozu de mantega al sol, con tocalos, destruyense. Fixeron falta 13 años de trabayu d'un grupu d'investigación pa desendolcar métodos de crecimientu de cristales grandes y d'alta calidá del fotosistema I pa determinar la so estructura molecular nel añu 2001.

A traviés del esperimentu de nanocristalografía na fonte de lluz coherente de Linac, l'equipu d'investigación usó miles de nanocristales del fotosistema I nel so llugar. La importancia del esperimentu ye que tien el potencial pa revolucionar el campu de la cristalografía de proteínes y ye lo que describe na publicación de *Nature* «Femtosecond X-ray protein nanocrystallo-

graphy». Estos esperimentos tienen el potencial pa ser ún de los avances científicos más asombrosos del añu.

L'inyector de fexe de proteína ye una pieza pequeña del equipu que caltién una corriente de solución de proteína escontra'l fexe pulsáu de rayos X duros nel SLAC. La execución esperimental nel LCLS (*Linac Coherent Light Source*) superó toles espectatives darréu que'l nebulizador funciona ensin problemas. Dispón d'un sistema de suministru de reserva dual que dexa camudar les muestres ensin apagar el fluxu, polo que la boquina pue trabayar de forma continua más de 50 hores. La concentración de muestra de nanocristalitos del fotosistema I proporciona un patrón de difracción de rayos X con cuasi cada pulsu de rayos X –30 semeyes de difracción per segundu-. Naide viera nada paecío a un 100% d'efectividá enantes, y muncho menos caltenío a lo llargo de díes, más de tres millones de semeyes de difracción pueden almacenase ensin dificultá. La calidá de los patrones de difracción algamaos ye ablucante.

Agradecimientos

Gracies al MICINN (MAT2006-01997, MAT2010-15094 y Factoría de Cristalización Consolider Ingenio 2010) y a los FEDER.

References

- [1] S. IJIMA, *Nature* 354 (1991), 56.
- [2] *Science*, vol. 294, 5551 (2001): 2442-2443.
- [3] FAHLMAN, B. D. (2007): *Materials Chemistry*. Springer, Mount Pleasant, MI, 2007; Vol. 1: 282-283.
- [4] CHAPMAN, H. et al. (2011): «Femtosecond X-ray protein nanocrystallography» en *Nature*, 470 (7332): 73-77.
- [5] SEIBERT, M. et al. (2011): «Single minivirus particles intercepted and imaged with an X-ray laser» en *Nature*, 470 (7332): 78-81.